



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

XXXVI. Commissarius Terræ Sanctæ Minorum de Observant., si Neapoli in  
Conventu S. Mariæ Novæ commoretur.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

tiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac quatenus opus sit nostra, & Cancellariæ Apostolicæ Regula de non concedendis indulgentiis ad instar, nec non prædicta Clementis prædecessoris, aliisque Constitutionibus, & Ordinationibus Apostolicis, ac quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ haberetur ipsi præsentibus si forent exhibitæ, vel offensæ.

Datum Romæ apud S. Petrum sub Annulo Piscatoris die XVIII. April. MDCLXXVIII. Pontificatus nostri Anno Secundo.

XXXVI. Confirmatur Decretum Card. Protectoris, quo statutum fuit, ut Commissarius Terræ Sanctæ Ord. Minorum S. Francisci Neapoli degens, si fuerit de Observantia in Conventu S. Mariæ Novæ; minime vero, in Altero SS. Trinitatis Reformatorum commoretur.

Dat. 25. Maji  
1678. An. 2.

INNOCENTIUS PAPA XI.

Ad futuram rei memoriam.

Species facti.

Nuper pro parte dilecti filii Ministri Provincialis Provinciæ Terræ Laboris fratrum Minorum Sancti Francisci de Observantia Reformatorum nuncupatorum Nobis exposito, quod cum dilectus etiam filius modernus Commissarius Terræ Sanctæ, qui est frater de Observantia dicti Ordinis in Conventu Sanctissimæ Trinitatis Civitatis Neapolitan. fratrum de Observantia dicti Ordinis, habitaret, ejusmodi autem fratrum de Observantia commoratio in Conventibus Fratrum Reformatorum maximis incommodis causam præberet, cum gravissimo regularis disciplinæ, ac instituti reformationis detrimento; ipse Minister Provincialis plurimum cupiebat a Nobis ordinari, ut præfatus Commissarius, una cum omnibus aliis Fratribus de Observantia, quos tanquam socios suos secum in supradicto Conventu Fratrum Reformatorum habet, inde migraret ad aliquem ex tribus Conventibus Fratrum de Observantia dictæ Civitatis Neapolitan., in quo futuri Commissarii, si essent Fratres de Observantia pariter habitare deberent, quando vero essent ex Fratribus Reformatis, vel Discalceatis Provinciæ S. Petri de Alcantara, in supradicto Conventu Fratrum Reformatorum commorarentur. Nos instantiam Nobis a dicto Ministro Provinciali super præmissis factam remisimus ad venerabilem fratrem

nostrum Franciscum Episcopum Oltien. S. R. E. Cardinalem Barberinum nuncupatum Ordinis præfati apud Nos, & Sedem Apostolicam Protectorem, qui desuper opportune provideret; unde idem Franciscus Episcopus Cardinalis, & Protector Decretum edidit, tenoris, qui sequitur, videlicet -- *Attentis exp. sitis, auctoritate Nobis a SSmo D. N. attributa, illique inhaerendo &c. Commissarium Terræ Sanctæ in Civitate Neapolis degentem, si fuerit de Observantia, assignamus de familia in Conventu S. Mariæ Novæ Fratrum similiter de Observantia; si autem fuerit ex Reformatione, vel ex Fratribus Discalceatis Hispaniæ, in Conventu Sanctissimæ Trinitatis Reformatorum ejusdem Civitatis Neapolis Provinciæ Terræ Laboris; præcipientes per Sacram Obedientiam, & sub privatione actuum legitimorum, nec non sub aliis pœnis Nobis arbitrariis F. Joanni Andrea de Lacumarvino ad præsens Commissario Terræ Sanctæ in Regno Neapolitano, quatenus una cum suis Sociis, aliisque Fratribus Ordinis de Observantia in prædicto Conventu Sanctissimæ Trinitatis Ordinis Reformatorum degen., ut continuo de eodem Conventu discedant, & ad supradictum Conventum Sanctæ Mariæ Novæ Ordinis Minorum Observantia ejusdem Civitatis se transferant, ibique in posterum commorentur. In quorum &c. Datum Romæ in Palatio Cancellariæ Apostolicæ hac die 10. Maji 1678. -- F. Cardinalis Barberinus Protector. -- I. B. Archiepiscopus Januen. Secretarius.*

§. 1. Cum autem sicut Minister Provincialis prædictus Nobis subinde denuo exponi fecit, ipse Decretum hujusmodi, quo firmius subsistat & servetur exactius Apostolica confirmationis nostræ patrocinio communiti summopere desideret: Nos ipsum Ministrum Provinciale specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum præinsertum a memorato Francisco Episcopo Cardinale, & Protectore editum, ut præfertur, omniaque, & singula in eo contenta auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, & omnes, & singulos juris, & facti defectus, si qui desuper quomodolibet intervenerint, supplemus.

§. 2. Decernentes easdem præsentem literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari: sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit dicti Ordinis, aliisque quibusvis etiam Juramento, confirmatione Apostolica, seu quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores pro plene, & sufficienter expressis, & ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Decretum  
Card. Prote-  
ctoris aucto-  
ritate à  
SSmo recep-  
ta editum.

Preces Mi-  
nistri Pro-  
vincialis Or-  
dinis S. Fran-  
cisci Refor-  
mat.

Confirmatur  
prædictum  
Decretum.

Clausula.

Datum

Datum Romæ apud Sanctum Petrum, sub An-  
nulo Piscatoris die XXV. Maji MDCLXXVIII.  
Pontificatus nostri Anno Secundo.

XXXVII.

Committitur Episcopo Malacitano erectio Cœ-  
nobii Fratrum Minorum S. Francisci Discal-  
ceatorum in Civitate Malacæ secundum Con-  
stitutiones Apostolicas facienda.

Dat. 3. Sept.  
1678. An. 2.

INNOCENTIUS PAPA XI.

*Vener. Frater Salutem, & Apost. Bene-  
dictionem.*

Causæ eri-  
gendi novæ  
Cœnobii.

EXponi Nobis nuper fecit dilectus filius Fer-  
dinandus de Villadiego, & Peralta Frater  
expresse professus, & in Romana Curia Procura-  
tor Provinciæ Sancti Petri de Alcantara in His-  
pania Fratrum Minorum Ordinis Sancti Fran-  
cisci strictioris observantia sive Discalceatorum  
nuncupatorum, quod cum Fratres dictæ Pro-  
vinciæ Deo in spiritu Evangelico servare, Regu-  
lam dicti Ordinis accurate servare, populos bo-  
no exemplo ædificare, omnemque operam pro  
spirituali Christi fidelium consolatione, atque  
utilitate impendere assidue satagant, ideo mul-  
ti ex dictis populis novos Conventus institui di-  
ctorum Fratrum Discalceatorum erigere cupiunt,  
dictaque Provinciæ ejusmodi Conventibus mag-  
nopere indiget, quippe quæ licet per tria Reg-  
na, Granatense scilicet, Murcia, & Giennen-  
se dilatata sit, tredecim tamen dumtaxat Con-  
ventus habet, quorum aliqui cum ab aliis Con-  
ventibus longe distent, incommoda redditur  
Ministro Provinciali illorum visitatio, & Fra-  
tribus dum ab uno ad alium Conventum trans-  
ferentur, non minus incommodum est tantum  
itineris pedibus juxta eorum Institutum perage-  
re, quinimo nonnunquam extra proprios Con-  
ventus pernoctare coguntur, paremque incom-  
moditatem sustinent illi Fratres, qui ad ali-  
quas Terras distantes ab illis, ubi eorum Con-  
ventus positi sunt. Quibus omnibus incommo-  
dis remedium adhiberetur, si Provinciæ prædi-  
cta plures haberet Conventus; Verum licet ma-  
gna sit illorum indigentia, & quorundam po-  
pulum pietas novos Conventus hujusmodi di-  
ctæ Provinciæ offerat, ipsa tamen Provinciæ  
illos fundare nequit propter quosdam fel. record.  
Clementis Papæ VIII. prædecessoris nostri lita-  
ras in simili forma Brevis die 11. Julii 1601. ad  
instantiam Fratrum Minorum Provinciæ Cartha-  
ginen. Ordinis ejusdem Sancti Francisci de ob-  
servantia nuncupatorum expeditas, quibus ca-  
vetur, ut Fratres Minores Discalceati Con-  
ventus eorum institui inter spatium quatuor leu-  
carum a Conventibus ipsius Provinciæ Cartha-  
ginen. fundare nequeant; quæ literæ a rec. mem.  
Alexandro Papa VII. prædecessore pariter no-  
stro per suas pariter in forma Brevis die vige-  
sima Octobris 1661. seu alio veriori tempore  
emanatas literas confirmatæ, & ad Provinciam  
Granaten. Fratrum Minorum itidem de Obser-  
vantia dicti Ordinis contra Provincias Fratrum  
Discalceatorum ampliata fuerunt. Cum autem  
sicut eadem expositio subjungebat, literæ præ-  
fatæ ad instantiam dictorum Fratrum de Obser-  
vantia, non auditis Fratribus Discalceatis, ema-  
naverint, idque facile factu fuerit, quia Procura-  
tor Generalis dicti Ordinis, qui in Romana Curia  
residet, semper est ex Fratribus de Observantia;  
nulla vero adsit ratio solido nixa fundamento,  
propter quam in magna Regnorum supradicto-  
rum parte impediri debeat propagatio Institui  
dictorum Fratrum Discalceatorum, qui Regu-  
lam prædictam strictè servantes Dei gloriam, &  
Religionis decorem promovere semper studue-

Obstant  
nonnullæ  
Pontificum  
literæ.

Cur ex non  
sint attenden-  
dæ.

runt, populorumque ædificationi operam dede-  
runt, & proinde dictus Ferdinandus Procurato-  
rum plurimum cupiat præfatæ Provinciæ Sancti Petri  
de Alcantara indulgeri, ut non obstantibus li-  
teris supradictis, tres novos Conventus, unum  
scilicet in ista Civitate Malacitan. Regni Gran-  
aten., alterum in Oppido Civitate nuncupato de  
Baeza Regni Giennensis, & reliquum in Villa  
de Auxad ejusdem Regni Granaten. ad Montes  
Alpuxarras nuncupati, servatis tamen de jure  
servandis quoad reliqua, & accedente consensu  
illorum, quorum consensus accedere debet, eri-  
gere valeat; attento quod nullum exinde inju-  
stum præjudicium aliis Regularibus proventu-  
rum est, cum supradictæ duæ Civitates sint po-  
pulo frequentissimæ, ac amplæ, & opulentæ, di-  
ctaque Villa parisi conditionis, locorum vero  
Ordinarii, & alii, quorum consensus ad novo-  
rum hujusmodi conventuum erectionem requiri  
solet, non sint permittendi, ut illi erigantur, nisi  
prius bene examinata illorum necessitate, atque  
utilitate, cognoverint, illos nec regularibus  
præjudicium, nec populis gravamen afferre pos-  
se. Nobis præterea prædictus Ferdinandus Pro-  
curator humiliter supplicari fecit, ut in præmis-  
sis opportune providere de benignitate Apostoli-  
ca dignemur. Nos igitur ipsum Ferdinandum  
Procuratorem spiritualibus favoribus, & gratiis  
prosequi volentes, & a quibusvis excommunica-  
tionis, suspensionis, & interdicti, aliisque Ecce-  
lesiasticis sententiis, censuris, & penis a jure, vel  
ab homine quavis occasione, vel causa latis, si  
quibus quomodolibet innodatus existit, ad effe-  
ctum præsentium dumtaxat consequen. harum  
serie absolventes, & absolutum fore censentes,  
hujusmodi supplicationibus inclinati, de Vene-  
rabilium Fratrum nostrorum Sanctæ Romanæ  
Ecclesiæ Cardinalium negotiis, & Consultatio-  
nibus Episcoporum, & Regularium præposito-  
rum consilio, Fraternitati tuæ per præsentem  
committimus, & mandamus, ut veris existen-  
tibus narratis, & accedente consensu interesse  
habentium, petitam Conventus erectionem in  
Civitate Malacitana tantum auctoritate nostra  
Apostolica pro tuo arbitrio, & conscientia con-  
cedas. Ita tamen, ut in reliquis ea omnia, quæ  
per Constitutiones Apostolicas circa hujusmodi  
novorum Conventuum erectiones præscripta sunt,  
religiose serventur; ac salva semper in præmis-  
sis auctoritate Congregationis eorumdem Car-  
dinalium.

Preces Pro-  
curatoris  
Provinciæ.

Committi-  
tur Episcopo  
Malacitano,  
ut veris ex-  
positis, &  
servatis Con-  
stitutionibus  
Apostolicis,  
Malacæ tan-  
tum Cœno-  
bium consti-  
tuat.

§. 1. Non obstantibus literis prædictis, aliis-  
que Constitutionibus, & Ordinationibus Aposto-  
licis, necnon quatenus opus sit, Ordinis, & Pro-  
vinciarum hujusmodi, aliisque quibusvis etiam  
Juramento, confirmatione Apostolica, vel qua-  
vis alia firmitate roboratis, statutis, & consue-  
tudinibus, privilegiis quoque, indultis, & literis  
Apostolicis in contrarium præmissorum quomo-  
dolibet concessis, confirmatis, & innovatis. Qui-  
bus omnibus, & singulis, illorum tenores præ-  
sentibus pro plene, & sufficienter expressis, ac  
insertis habentes, illis alias in suo robore per-  
mansuris ad præmissorum effectum hac vice dum-  
taxat specialiter, & expresse derogamus, cæte-  
risque contrariis quibuscumque.

Datum Romæ apud Sanctam Mariam Ma-  
jorem sub annulo Piscatoris die III. Septembris  
MDCLXXVIII. Pontificatus Nostri Anno Se-  
cundo.

Conceditur Indulgentia Plenaria perpetua bis  
in anno, ac septem annorum, & totidem  
quadragesimarum in reliquis mensibus, etiam  
per modum suffragii applicanda, iis qui inter-  
fuerint orationi semel in mense pro moribun-

XXXVIII.